

KURSUS CERDAS FIZIKAL, MAHASISWA UMS MAMPU LAHIRKAN MODAL INSAN YANG CEMERLANG

Disediakan oleh : Cik Norhana Bte Nordin

Seramai 30 orang pelajar UMS telah menyertai Kursus Cerdas Fizikal pada 23 & 24 Jun 2012 yang lalu. Program selama dua hari ini telah diadakan di kawasan Outdoor Development Centre (ODEC) UMS. Program ini telah dianjurkan oleh Seksyen Latihan, bahagian Pengembangan Potensi Pelajar, Jabatan Hal Ehwal pelajar dengan kerjasama Kementerian Belia dan Sukan Negeri Sabah yang dikelola oleh Cik Hazwani Hj. Kifli selaku Penyelaras Program.

Program ini bertujuan untuk mendedahkan para peserta tentang kepentingan kesihatan dalam kehidupan seharian. Menurut YBhg Prof. Madya Datuk Dr Kasim Hj. Md. Mansur, Timbalan Naib Canselor Hal Ehwal Pelajar dan Alumni, UMS berkata melalui beberapa ceramah yang telah diadakan, ianya dapat memberikan manfaat kepada para pelajar sebagai perkongsian untuk mendalami lagi kepakaran para pegawai HEP dan Kementerian Belia dan Sukan melalui program sebegini, sekaligus mencapai

objektif program untuk melahirkan pelajar yang sihat dan cergas dari segi fizikal dan mental selain memupuk semangat kerjasama dalam pasukan.

Dengan pelaksanaan program ini, diharapkan dapat memberi impak yang tinggi kepada para peserta disamping menjadikan program ini sebagai langkah dalam kerjasama berterusan dan dapat

melahirkan modal insan yang cemerlang di masa hadapan.

Disebalik kejayaan program ini tidak lupa ucapan penghargaan kepada semua Jawatankuasa bertugas yang tidak jemu mencurahkan idea, memerah tenaga dan komitmen yang sangat baik dalam menayakan kursus cerdas fizikal kali ini.

